



Akilerartarnermut Oqartussaasut ataanni immikkoortorta qarfimmik immikkut suliaqartussamik, aningaasaqarnikkut pinerluuteqartarnerup, ilaatigut ikiaroonartunik niuerniarnermut attuumassuteqartup, paasineqarnissaanik siunertaqartussamik pilersitseqqullugit Naalackersuisut peqquneqarnissaannik siunnersuut, tamanna pissaaq akileraarusersuinermi annertunerusumik suliniuteqarneq aqqutigalugu, tamatumunnga ilanngullugit nalunaarsuiffiit atortorissaarutillu pioreersut ataatsimoortinnerat, tassuunakkut isertitat pigisallu nalillit inatsisunik unioqqutitsilluni pissarsiaasimasut paasineqarsinnaaqqullugit.

(Inatsisartunut ilaasortaq Agathe Fontain, Inuit Ataqatigiit)

Agathe Fontainip akileraaruseriffiup iluani aningaasatigut pinerluttuliornernik akiuinissamut immikkut sulissutiginniffimmik pilersitsisoqassasoq siunnersuutigivaa.

Ukiut tamaasa politiit, eqqartuussivik, akilerartarnermullu oqartussat aningaasatigut pinerlunnernik nutaanik paasisaqartarput.

Inatsisartunut ilaasortamut 2011-mi Akilerartarnermut Aqutsisoqarfimmiit taamanikkullu Naalackersuisuniit akissutifigineqarpoq ilanngaat aalajangersimasoq sinnerlugu annertussusilinnik ilanngaatigineqarsinnaasutigit (ligningsmæssig indsats) aningaasatigut pinerluttuliornernik toqqorteriffiusinnaasut, inuit isertitaannik passisaqarfiutigisumik, paasisaqarfigissagaanni "systemimik annertuutigit ineriartortitsinissaq" taava pisariaqartinneqassasoq.

Systemi atorpeqartoq pitsaasutut Naalackersuisuniit nalilerneqartoq maluginiarparput, taamaattorli ukiut arlallit matuma sionatigut akissutigineqartumi paasissutissiineq eqqarsaatigissagaanni ataqatigiinngittoqarpoq.

Taamaattumik Akilerartarnermut Aqutsisoqarfiup politiillu suleqatigiinnerisa iluini qanoq ineriartortoqarneranik Naalackersuisut itisiliinissaannik kissaateqassaagut. Allapput Akilerartarnermut Aqutsisoqarfiup politimestereqarfik akuttunngitsumik ataatsimeeqatigisaraa.

Ataatsimiittarnerit aalajangersimasuusarpat, aamma sumiiffinni assigiinngitsuni?

Uagut nammineq Politeeqarfinnik ataatsimeeqateqarnitsinni paasissutissinneqarpugut susassaqrarfiit taakkua marluk akornanni suleqatigiinneq arriitsuusoq. Aningaasatigut pinerluttuliarnermik akiuiniassagaanni suleqatigiilluarnissarlu qulakkiissagaanni isumaqarpugut siunnersuut manna inatsisinut ataatsimiititaliamit suliareqqinneqassasoq.

Naalakkersuisut oqarnerattuut aningaasatigut pinerluttuliornernik akiuinissamut immikkut sulissutiginniffimmik pilersitsisoqarneratigut iluaquusiisoqangaassanngilaq. Taamatut isumaqarneq sumik tunngaveqarpa?

Tamatuma saniatigut innuttaasut pissutsinik pasinartunik isigisaqartillutik oqartussanut nalunaarsinnaanerat qimerluussavarput. Illoqarfinni mikisuni najugaqartuuvugut, immitsinnut nalunngilagut susoqarneranillu ilisimannippugut. Ilaatigullu pisut pisussaannngikkaluit ilisimasarpagut. Isumaqarpunga amerlanertigut immitsinnut illersorniarluta ilisimannngitsuusaaginnartarivut. Taamaattumillu politiit, akileraaruseriffiit innuttaasullu suleqatigiiffigilluarsinnaasaannik pitsaasumik aaqqissuussamik peqartariaqarpugut.